



Universitätsbibliothek Paderborn

Thesavrvs Sacrорvm Ritvvm, Sev Commentaria In Rvbricas Missalis Et Breviarii Romani

In quibus origo cuiusque Ritus, Causæ historicæ, vel mysticæ, ex maiorum ingenio, Theoria, Praxis, Obligatio, & exquisitus Vsus, additis opportunè Decretis omnibus S. Rituum Congregationis, quàm breuissimiè explicantur

Gavanti, Bartolommeo

Antverpiæ, 1646

De Missis Defunctorum. V.

urn:nbn:de:hbz:466:1-40214

10 Comment. in Rubr. Missalis. Pars I. Tit. IV.

Missæ Votiuæ, etiam in Festis non majoribus, cantatà item alterâ de die.

Neque putes huic Rubricæ derogari in Pontificali Romano, in ordinatione Presbyterorum, quibus in fine præscribitur, ut post primam Missam celebrent alias tres, de Spiritu sancto, de B. Virgine, & pro Defunctis; id enim intelligitur, saluis Rubricis Missalis: alioquin absonum esset, celebrata primâ Missâ in Natali Domini, in tribus Festis sequentibus recitare Missas Votiuas prædictas, & pro Defunctis, ut patet.

Dubitatum est, An exceptio Votiuarum in Dominicis intelligatur etiam, quando in die feriali sit Officium de Dominica anticipata post Epiphaniâ, seu Pentecosten, seu infra Octauam Nativitatis Domini. Sed verò verba Rubricæ sonant ipsummē diem Dominicum, qui colitur à populo, non autem Officium de Dominica.

[*Cum Officio conuenienti.*] Rubrica loquitur de priuatis Missis; nam Conuentualis Missa debet semper concordare cum Officio, cap. *Cum creatura de Celebrat. Miss.* vbi verbum mandamus obligat ad mortale, ex Bonacini. de Leg. dist. 1. quest. 1. punc. 7. §. 4. n. 7. cum communi; & in cap. *Quidam.* & in cap. Et hoc de Consecrat. Dist. 1. Lege Azor. lib. 10. cap. 32. quest. 7. & nota, quod neque omitti potest pro Missa Defunctorum, in d. cap. *Cum creatura.*

Ex quibus sacra Rituum Congregatio die 25. Iunij 1611. & die 28. Ianuarij 1612. decrenit, teneri Canonicos omnino ad cantandam Missam de die, ut lucentur distributiones. & die 16. Ianuarij 1627. duo respondit. Alterum, quod ob Missam Votiuam, seu pro Defunctis, non potest omitti Missa Conuentualis; quod intellige, saluâ eadem hac Rubricâ de Votiniis assignatis singulis diebus in fine Missalis, cum Officio de Feria, & pro Defunctis, tit. seq. num. 1. & 2.. Alterum est, quod neque potest introduci consuetudo in contrarium ritum. Et quod ad illud primum perstitit in eadem sententia die 12. Iulij 1628.

Conuentualis igitur Missa erit semper de die, vel in feriali Officio erit Votiuâ, ut suprà, secundum ordinem dierum assignatum in fine Missalis; non autem Votiuâ ad libitum Cleri, seu laicorum. Priuatæ verò Missæ poterunt dici Votiuæ quæcumque in diebus non Duplicibus, neque Dominicis, non seruato dicto ordine dieorum, arbitrio rationabili Celebrantis; non tamen conuenit, puta infra Octauam B. Virginis, dicere Votiuam de eadem; tum quia magè colitur B. Virgo cum Missa de Octaua; tum quia secunda Oratio esset de eadem B. Virginie, cuius recitatut Officium; tum quia fit satis obligationi pro Missa Votiuâ, si recitetur longior Missa Feliua.

De Missis Defunctorum. V.

Prima die cuiusque mensis (extra Adventum, Quadragesimam, & tempus Paschale) non impedita Officio Duplici vel Semiduplici, dicitur Missa principalis generaliter pro Defunctis Sacerdotibus, benefactoribus, & aliis. Si verò in ea fuerit Festum Simplex, vel Feria, quæ propriam habeat Missam, aut resumenda sit Missa Domini-

minica precedentis, quæ fuit impedita, & infra Hebdomadam non ocurrat aliis dies, in quo resumere posse: in Ecclesiis Cathedralibus & Collegiatis dicantur duæ Missæ, una pro Defunctis, alia de Festo Simplici, vel Feria prædicta. Sed in Ecclesiis non Cathedralibus, nec Collegiatis, dicatur Missa de die cum commemoratione generaliter pro Defunctis.

q) Prima die.] Suffragiorum pro Defunctis in Calendis mentio est apud Alcuinum de Divin. Offic. qui excludit tempus Paschale, cap. de Exequiis mortuorum.

r) Dicantur duæ Missæ.] Cur duæ Missæ in occursu cum Festo Simplici vel Feria prædicta? quia in Missa de Defunctis non potest fieri com-

memoratio de Festo, neque de Feria; neque omitti debet semel in mense, quoad eius fieri potest, Missa principalis pro Defunctis in Collegiatis; neque item omitti Feria prædicta, vel Festum Simplex. Heu! negligitur hæc Rubrica, quæ tamen habet verbum dicantur; quod est præceptuum.

2) Præterea^t Feria secunda cuiusque Hebdomadae, in qua Officium sit de Feria, Missa principalis dici potest pro Defunctis. Si autem fuerit propria Missa de Feria, vel de Festo Simplici, vel resumenda sit Missa Dominica precedentis, ut supra, in Missa de die fiat commemoration (ut dictum est) pro Defunctis. Excipitur tamen Quadragesima, & totum tempus Paschale, & quando per annum Officium est Duplex, vel Semiduplex; quibus temporibus non dicitur Missa Conuentualis pro Defunctis^s (nisi in die Depositionis defuncti, & in Anniversario pro Defunctis) neque pro eis sit commemoration. Missæ autem priuatae pro Defunctis^t quocumque die dici possunt, & præterquam in Festis Duplicibus, & Dominicis diebus.

^f Feria secunda.] Fecit enim eo die firmamentum Deus, quod & Cælum appellavit, quod Defunctorum animas transferri quam primùm hac eadem die petimus. Vide miram sanctæ matris Ecclesiæ pro defunctis sollicitudinem, quæ initio mensis & Hebdomada pro iisdem orat; quinimò eos purgantes honorat Feria secunda post diem Dominicū, quo Ecclesiæ triumphanti tributa iam soluit, sequentibus diebus militantem iuuat. Ortum habet hic ritus in Feria secunda à Mo-

nachis Gamungensibus, ex Petro Damiani 1056. & idem in Annal. notavit Baronius anno eodem.

^t Quadragesima.] Ergone dicetur Officium Defunctorum in Quadragesima absque ulla eorumdem Commemoratione in Missa? sit quidem Commemoratio in Missa, sed in tercia Oratione, quæ communis est viuis & defunctis. Cur autem non excipitur Aduentus? quia Feriae secundæ non habent Missas proprias, ut in Quadragesima & conuenit, quia di-

B 2 citur

12. Comment. in Rubr. Missalis. Pars I. Tit. V.

citur in Aduentu Officium Defunctorum, cui responderet Missa.

u Tempus Paschale.] Mortuorum memoria mœstitiam habet, quæ non congruit lœtitiae summæ Paschali; & ad vnum Christum tunc est attendendum, Duran. lib. 6. cap. 72.

x Nisi in die Depositionis.] Non deberet corpus sepeliri defuncti sine Missa, Duran. lib. 7. de Offic. mortuorum. quod erat in ysu, teste Tertull. lib. de Anim. c. 51. & Aug. 9. Confess. cap. 12. de Funere Monica marris. Et omni tempore, cadavere præsente, potest celebrari pro defunctis, nisi in Parasceue, quo die Corpus Christi immolari non debet; & eo casu differenda sunt exequia in crastinum, in quo, post Missam Sabbati sancti, posset alia Missa celebrari pro defuncto. quod intellige iuxta patios mores Durandi, ubi nimirum viget consuetudo sepeliendi defunctos simul cum Missa, & numquam sine ea, absque scandalo. Si quis autem in die Paschæ moriatur, corpus eius reserueretur in sequentem diem, ob reuerentiam Paschæ, idem ibidem, & Rituale Rom. Pauli V. In Dominicis & Festis Missam defunctorum insepolto corpore concedit sacra Rituum Congregatio, 23. Maij 1603. Festa hoc loco intelliguntur de præcepto æqualia Dominicis, non tam magna celebritatis, ut verbis utar Ritualis Romani, puta primæ classis; & esse debet præsens corpus in Ecclesia. Sed & Rubrica loquitur de Missa solemnii, non autem de priuatis, quæ etiam insepolto, hoc est, præsente corpore in Ecclesia, non possunt dici in Dominicis, neque in Duplicibus.

y Anniversario.] Anniversaria dies Defunctorum habet ysum' antiquissimum, Clemens 16. 6. Conf. Apost.

cap. 48. & Tertull. de Cor. militis. vt sicut Sanctis ea dies prodest ad gloriam, ita defunctis ad salutem, Amal. lib. 3. cap. 44. Vnde, si contingat anniversaria dies in Festo celebrari, debet mutari in præcedentem diem, vt citius defunctis consulatur, Durand. loc. cit. quæ ratio militat etiam in tertio, septimo, & trigesimo. Sed in sequentem diem non impeditam sœpius transtulit anniversarias pro defunctis, seu alias pro iisdem Missas, sacra Rituum Congregatio, die 27. Septembris 1608. & die 19. Maij 1614. Quomodo cumque verò fiat mutatio (si de perpetua in aliud diem mutatione agatur) ab eo faciendam puto, qui commutare potest ultimas voluntates, ex Clem. Quia contingit. de Relig. dom.

z Quocumque die.] Concilium Cabilonense de Con. d. 1. Visum. quotidie vult orari & sacrificari pro Defunctis. Sancta enim & salubris est cogitatio pro Defunctis exorare, ut à peccatis soluantur, 2. Mach. 12.

a Preterquam in Festis, &c.] Ne minuatur solemnitas Festi Duplicis, & lœtitia Paschalis, quam representat dies Dominicus dierum princeps, S. Ignat. Epist. ad Magnesianos. adde consequenter, & à fortiori, neque in iis diebus, in quibus de Duplice fieri non potest: quamquam in primo triduo maioris Hebdomadæ hortatur nos Constitutio Apostolica libro 5. cap. 13. ad orandum pro iis qui perirent, quæ verba importare solent Sacrificium apud Sanctos Patres. Sed potest etiam fieri Sacrificium sine Missa de Requiem pro Defunctis. Qua ratione ritus antiquus & nouus non discordant.

Sacra tamen Rituum Congregatio tolerari

tolerari posse censuit Missas de Requiem in Duplici Festo quod non est de præcepto, ut testatorum voluntates adimpleantur, i. Septemb. 1607. & rursus 20. Junij 1626. non ait, ad arbitrium viuorum, quod benè nota, sed pro implenda lege Defunctorum. Dixi, quod non est de præcepto: quia

etiam in Festo de præcepto, si cadat illud in diem assignatum pro Altari priuilegiato, puta Feriam secundam, extra quam priuilegium Altaris pro Defunctis est nullum, non potest adhuc Missa dici de Requiem, vti decreuit eadem sacra Congregatio die 24. Aprilis 1627.

3 In die Commemorationis omnium Defunctorum, & in die Depositio-
nis, & in Anniuersario Defuncti, dicitur una tantum Oratio; &
similiter^b in die Tertia, ^c Septima, ^d Trigesima, & quandocumque
pro Defunctis solemniter celebratur: in aliis Missis plures, vt de
Feriis & Simplicibus dicetur infra in Rubrica de Orationibus.

Oratio Fidelium erit ultima, Bur-
chard. vbi plures dicuntur orationes.

b In die Tertia.] Præter diem obi-
tus, seu depositionis, & Anniuersa-
rium, qui celebriores reputantur, so-
lemnes habitu sunt tertius, septimus,
& trigesimus, constanti Ecclesiæ ab
Apostolis traditione. Causant igitur
iij, qui nominant in Missa alios dies,
quartum, quintum, vigesimum, &
eiusmodi: quia neque in Rituali no-
uo, prout neque in Missali, ponuntur
alij dies à prædictis. Et Tertij quidem
meminit Clem. lib. 6. Const. Apost.
cap. 48. propter eum, inquit, qui tertia
die resurrexit: vel ut purgetur anima,
quæ triplicis est naturæ, irascibilis,
concupiscibilis, & rationalis; vel ut
in ea sanctæ Trinitatis imago integrè
reparetur, Alcuin. loco citato; vel ut
absoluatur à peccatis quæ patravit co-
gitatione, verbo, & opere, Durand.
loco citato.

c Septima.] Mysteria Septimæ diei
scribit Ambr. Orat. de Fide resurrect.
quia symbolum est futurae quietis.
addit Alcuinus, ut anima suo corpori
reconcilietur: illa namque, ut diximus,
tripliciter peccare soler, & corpus item

quadrupliciter, ob humores quatuor
quibus constat. Durandus vult signi-
ficari vitæ totius purgationem, quæ se-
ptem diebus in orbem ducitur. For-
taffæ ab Ecclesiast. 22. hic ritus ortum
habet, Ludus mortui septem dies; vel
à Ioseph Ægypti Prorege, qui septem
impleuit dies luctus super defunctum
patrem suum, Gen. 50.

d Trigesima.] Trigesimum diem
commendat S. Ephrem in suo Testa-
mento apud Surium Tom. 1. derivatur
que ritus à morte Aaron & Moysis,
quos fleuit populus triginta diebus,
Num. 20. Deut. vlt. Vel quia Domi-
nus baptizatus est annum agens tri-
gesimum, Alcuin. Vel quia in hac
mensura ætatis Christi resurgemus
omnes, idem. Vel quia hac ætate Adam
creatus fuit, secundum communio-
rem Doctorum sententiam. Vel ut,
quidquid in Decalogo legis defuncti
deliquerint, in sanctæ Trinitatis miser-
icordia deleatur, Hugo de Miss. obser.
lib. 3. cap. 37. nam ter decies consti-
tuunt triginta. Trigesimum numerum
obseruant alij ea ratione, ut per tri-
ginta dies fiat Missa pro Defunctis; so-
lemnius autem tertia die, septimaque,

B 3 intra.

14 Comment. in Rubr. Missalis. Pars I. Tit. V.

intra triginta, & ipsamet trigesima, Amalar. libro 4. cap. 42. ritus autem triginta dierum à sancto Gregorio Papa, 4. Dialog. 55. prescribitur Abbatii. Pretioso pro Monacho Iusto iis verbis: *Vade, ab hodierna die diebus triginta continuis offerre pro eo Sacrificium stude; ut nullus omnino pretermittatur dies, quo pro absolutione illius Hostia salutaris non offeratur.* Ex quibus intelligere possunt celebraturi Missas, quas vocant S. Gregorij, hoc est, institutas aut approbatas à S. Gregorio, quod Primo non est necesse, ut idem Sacerdos per mensem celebret diebus triginta; sed necesse est, ut offeratur Hostia per mensem, siue ab uno siue à pluribus, ut patet ex iis verbis, *stude offerre;* neque addit Abbatii per te, quod esset onus graue. Secundo, sufficit offerri Sacrificium. non autem omnes Missæ dicenda sunt ritu proprio de defunctis, qui in Dominicis intercurren-

tibus prohibetur. Tertio, continuis diebus fieri debent, ut nullus omnino pretermittatur dies, remota superstitione, quam vetuit Trid. Seff. 22. ratione numeri. neque discontinuantur ob triduum maioris Hebdomadae, quo, ex usu Ecclesiæ probato, non debet celebrari. Doctores autem, qui volunt eas posse discontinuari, vel uno die dici omnes triginta, concludunt, valere tamquam triginta Missas; sed non ut eas, quas instituit sanctus Gregorius, ut ex eiusdem verbis patet.

Dubitatum aliquando fuit, edito Decreto S. Congregationis, de quo infra, prohibente quasdam Missas sancti Gregorij pro Viuis & Defunctis, An prohibita censentur praedictæ triginta Missæ sancti Gregorij; at negavit sacra Rituum Congregatio die 28. Octob. 1628. & prælo datum est Decretum, potentibus Monachis S. Gregorij de Urbe.

4^o *Sequentia pro Defunctis dicitur in die Commemorationis omnium fidelium Defunctorum, & Depositionis defuncti, & quandocumque in Missa dicitur una tantum Oratio: in aliis autem Missis pro Defunctis, dicatur ad arbitrium Sacerdotis.*

c *Sequentia.] Prosa, siue Sequentia, hoc est, Dies ire, dies illa. Significat autem iubilacionem, & hoc nomine. quamcumque Sequentiam vocat Ordo Romanus, ut idcirco cantari debeat, cum solemniter celebratur pro Defunctis. Sequentia quo-*

que appellatur, quia per cantus amoenitatem ad sequentia preparat, Hugo Victor. de Offic. Eccles. lib. 2. cap. 19. vel quia sequitur Alleluia in aliis Missis festiis, Cornelius Schultingius; qui & Prosam eam dici putat, quia lege metri caret.

De Translatione Festorum. VI.

I *N dicendis Missis seruetur ordo Breuiarij de Translatione Festorum Duplicium & Semiduplicium, quando maiori aliquo Feste seu Dominica impediuntur. In Ecclesiis autem, ubi titulus est Ecclesiæ, vel concursus populi ad celebrandum Festum, quod transferri debet, possunt cantari*